

# Prome biaha Piedra Plat ta conquista e corona juvenil **SULAIKA CROES REINA JUVENIL CARNAVAL 1996 INDISCUTIBLE...**

\*\* Pa prome biaha e distrito di Piedra Plat ta logra conquista e corona di Reina Juvenil Carnaval. Esaki a ser logra pa e popularisima cantante Sulaika Sue-Ann Croes di 14 aña.

Piedra Plat a yega di conquista e corona di Reina Infantil Carnaval na aña 1991 pa Sulaika Bareño.

Sulaika Croes un bunita natural di signo aquarius, kende actualmente ta studiando na Juliana School Klas 1, a logra di conquista e corona den un forma indiscutible

## **DEN AMBIENTE**

pa tanto su fabuloso show y su tremendo speech.

Su show tabata titula "Expresion Musical di Sulaika", na unda el a presenta den un formidable piano, acompaña pa e instrumentonan di bajo, drumsett, trompet y conga. E talentoso cantante a ser acompaña pa e tremendísimo gruponan di baile Arudanza y Popcorndancers.

E fantastico show tabata un creatividad di Ricardo

Donata, mientras Gerald "Gen" Bisliek y Hubert Thiel a percursa pa e parti musical. E letranan masha bunita tabata di Susan Boekhoudt.

Loke sigur a causa un sensacion den stadion di R.C.A. tabata na momento cu henter e escenario tabata ilumina di e vuurwerk di batata y net na e momento cu e vuurwerk a termina, un avion D.C. 9 a pasa riba stadion di R.C.A. net net riba e escenario como si fura cu e tabata forma parti di e show.

Su diseñador tabata Angelo Croes y Lucia Flanegien tabata su custerero. Su Speech cu tabata contene un mensahe pa e juventud den un forma masha impactante y positivo a ser traha pa e super popularisima locutor Elsa Westerburger-Krozendijk di Radio Galactica.

Sulaika Croes ta gradicir tur instancianan cu a sa di contribui pa e logro tan historico aki.

DEN AMBIENTE ta manda un PABIEN grandi pa nos talentoso cara bunita cantante SULAIIKA CROES, pa su titulo MERECI como REINA JUVENIL CARNAVAL 1996...Y manera su speech mes ta expresa..."Ban Uni Man, Ki-brando Maldad, Yudando Carnaval di Nos e ta"....

